

CYNGOR CYMUNED MANORDEILO A SALEM CYFARFOD 11^{eg} EBRILL 2018

Cynhaliwyd cyfarfod o Gyngor Cymuned Manordeilo a Salem am 7.30pm ar yr 11^{eg} Ebrill 2018 yn yr Ystafell Ddarllen, Cwmifor.

PRESENNOL

Cynghorwyr Alun Davies, Arwel Davies, Kim Davies, Gwenfil Evans, Hubert Gwynne, Peter Harries, William Loynton a'r Cynghorydd Sir Joseph Davies.

1. CROESO AC YMDDIHEURIADAU

Cymerwyd y gadair gan y Cyng. G. Evans a chroesawodd bawb i'r cyfarfod. Derbyniwyd ymddiheuriadau gan y Cynghorwyr Doris Jones, Dorian Jenkins ac Owen Williams.

2. CADARNHAU COFNODION Y CYFARFOD DIWETHAF

Cynigiwyd gan y Cyng. J. Davies, eiliwyd gan y Cyng. Alun Davies ac roedd pawb yn gytûn, bod cofnodion y cyfarfod diwethaf a gynhaliwyd ar y 14^{eg} Mawrth 2018, fel ag y maent wedi'u teipio a'u dosbarthu, yn gywir.

Arwyddwyd gan y Cadeirydd

3. DATGANIADAU O DDIDDORDEB

Fe wnaeth y Cyng. Arwel Davies ddatgan diddordeb yn Eitem Agenda 5, gohebiaeth gan Sioe Amaethyddol a Garddwriaethol Llandeilo.

Ymunodd PC Arwel Davies y cyfarfod a dywedodd bod beic fferm pedair olwyn wedi'i ddwyn o Lanwrda a bod olew gwresogi cartrefi hefyd wedi'i ddwyn o ardaloedd mwy anghysbell. Argymhellir y dylid bod yn fwy gwyliadwrus er mwyn diogelu eiddo.

4. MATERION YN CODI

4.4.4.4.4. 4.4.11iii) Mewn perthynas ag Ardal Chwarae Caledfwlch, cytunwyd y byddai'r Cynghorwyr W. Loynton ac Arwel Davies yn gwneud ymholiadau pellach ynglŷn â gwasanaeth proffesiynol i dorri coed a bydd y Cyng. H. Gwynne yn trefnu ail-osod y rheilen ffens sydd wedi torri. Cyng. W. Loynton, Arwel Davies a H. Gwynne

4.4.4.4.5vii) Doedd y cais am grant A4A heb fod yn llwyddiannus er mwyn ariannu pedwar diffribliwr newydd. Penderfynwyd y dylid ail gyflwyno cais yn dilyn mwy o ymgynghori gyda'r gymuned leol.

4.4.4.4.13i) Mewn perthynas â'r posibilrwydd o ymestyn y llwybr troed ar hyd yr A40 o Ywen Fach i'r grŵp nesaf o dai ym Mhantglas Manordeilo, mae'r Cyng. J. Davies wedi cysylltu ag Asiantaeth Cefnffyrdd De Cymru ar nifer o achlysuron yn gofyn am ymweliad safle ond heb dderbyn ymateb hyd yn hyn. Cyng. J. Davies

4.4.13ii) Mae'r cais am bobl ychwanegol i fedru arwyddo gyda'r banc ar waith. Clerc

4.5vii) Mewn perthynas â'r tir amwynder yn Nolau Tywi, cytunwyd y byddai'r Cyng. Arwel Davies a K. Davies yn ymweld â'r safle ac yn trefnu i'r borfa gael ei dorri os oes angen ac y byddent hefyd yn holi am ddyfynbris ar gyfer cynnal a chadw'r tir i'r dyfodol. Cyng. Arwel Davies a K. Davies

5ii) Mae'r anfoneb ar gyfer goleuadau, gwaith cynnal a chadw ac ynni i'r llwybrau troed ar gyfer y cyfnod 01/04/2017 – 31/03/2018 ar gyfanswm cost o £4,034.74. wedi'i dalu.

5vii) Mae'r Clerc wedi anfon Adroddiad Blynyddol 2018/19 o Banel Annibynnol Cymru ar Gydnabyddiaeth Ariannol at Gynghorwyr. Adran 13 – taliadau i aelodau cynghorau tref a chymuned ac Atodiad 1 – trafodwyd a nodwyd penderfyniadau'r Panel ar gyfer 2018/19.

5A Mae'r Clerc wedi ysgrifennu at Mrs Wendy Phillips yn gofyn iddi ymgymryd ag archwiliad mewnol i'r Cyngor.

13i) Mae'r Cyng. J. Davies yn edrych ar y posibilrwydd o ddarparu banc poteli yn Salem. Cyng. J. Davies

13ii) Mae'r Clerc wedi bod yn holi am finiau graeanu newydd. Bydd y Cyng. J. Davies yn holi a yw'n bosib prynu'r rhain trwy Gyngor Sir Caerfyrddin (C.S.C.) am bris mwy rhesymol. Cyng. J. Davies

13iii) Mae'r twll dwfn ger Croesffordd Maesllyn wedi'i adrodd i Adran Briffyrdd C.S.C.

5. GOHEBIAETH

- i) Cyfriflen Banc Lloyds dyddiedig 19/03/2018, Taflen Rhif 3, Gweddill £9,122.58. Nodwyd
- ii) Cyfriflen Banc Lloyds dyddiedig 29/03/2018, Taflen Rhif 4, Gweddill £4,315.04 Nodwyd
- iii) Cyfriflen Banc HSBC dyddiedig 15/03/2018, Taflen Rhif 332, Gweddill £71.49. Nodwyd
- iv) Ymgynghoriad Bwrdd Iechyd Hywel Dda ar Wasanaethau Gofal Iechyd 25 Ebrill, 6.00pm yn Neuadd Ddinesig San Pedr; gofynnwyd i Gynghorwyr oedd â diddordeb mewn mynychu i gadarnhau hynny gyda'r Clerc er mwyn cadw llyfdd. Nodwyd
- v) Un Llais Cymru mewn perthynas ag enwebiadau i gynrychiolwyr eistedd ar Fforwm Rhanddeiliaid Allweddol fel rhan o waith paratoi'r Cynllun Datblygu Lleol Diwygiedig. Nodwyd
- vi) Un Llais Cymru mewn perthynas ag enwebu cynrychiolydd o'r Cyngor ar eu cyfarfodydd pwyllgor ardal. Cytunwyd yn unfrydol y dylid enwebu'r Cyng. O. Williams a oedd yn hapus i barhau yn y rôl. Clerc
- vii) Grantiau Llywodraeth Cymru parthed Cyflymu Band Eang Cymru. Mae gwybodaeth eisoes wedi'i amgylchynu i Gynghorwyr a chytunwyd i'w osod ar wefan y cyngor a hefyd y cyfryngau cymdeithasol er mwyn tynnu sylw at y cynllun. Clerc
- viii) Cynhadledd SLCC. Nodwyd
- ix) Grantiau Mannau Actif. Nodwyd
- x) Anfoneb ICT Vision ar gyfer lletya gwefan y Cyngor; Clerc i chwilio am ddarparwyr a chostau eraill. Clerc
- xi) Llythyr gan Miss Martha Harries yn gofyn am gymorth ariannol er mwyn mynychu cwrs theatr gerdd preswyl a drefnir gan 'Youth Musical Theatre UK' yn yr haf. Mae Martha'n byw'n lleol ac yn gantores hynod dalentog yn aml iawn yn perfformio ac yn cefnogi digwyddiadau ac achosion elusenol. Cynigiwyd gan y Cyng. K. Davies, eiliwyd gan y Cyng. Alun Davies ac roedd pawb yn gytûn y dylid rhoi rhodd o £50.00 tuag at gostau Martha. Clerc
- xii) Llythyr gan Gymdeithas Amaethyddol a Garddwriaethol Llandeilo yn gofyn am gymorth ar gyfer y sioe flynyddol yn yr haf. Fe wnaeth y Cyng. Arwel Davies ddatgan diddordeb unwaith eto ac ni wnaeth gymryd unrhyw ran yn y drafodaeth na'r penderfyniad. Oherwydd cyfyngiadau amser, penderfynwyd yn unfrydol i wneud rhodd ar unwaith (cynigiwyd gan y Cyng. W. Loynton, eiliwyd gan y Cyng. Alun Davies gyda phawb yn gytûn. Cynigiwyd swm o £50.00 gan y Cyng. K. Davies, eiliwyd gan y Cyng. Alun Davies ac roedd pawb yn gytûn. Clerc
- xiii) Ambiwllans Awyr Cymru i Blant, llythyr o ddiolch am y rhodd. Nodwyd
- xiv) Cymdeithas Chwaraeon Llandeilo a'r Cylch, llythyr o ddiolch am y rhodd. Nodwyd
- xv) Gofal Canser Tenovus, llythyr o ddiolch am y rhodd. Nodwyd
- xvi) Clwb Ffermwyr Ifanc Llandeilo, llythyr o ddiolch am y rhodd. Nodwyd
- xvii) Cylch Meithrin Ffairfach, llythyr o ddiolch am y rhodd. Nodwyd
- xviii) Cymdeithas Chwaraeon Cymunedol Llanymddyfri, cais am gymorth ariannol. Chwef 2019

6. ADOLYGIAD O'R GYLLIDEB

Mae'r Gyfriflen Banc dyddiedig 29 Mawrth 2018 yn dangos gweddill o £4,315.04. Mae dwy siec (1247 a 1257) gwerth £150 heb eu cyflwyno sy'n rhoi cyfanswm gwirioneddol o £4,165.04.

7. GOLEUADAU

Mewn perthynas â'r golau stryd ger y capel yng Nghapel Isaac, mae C.S.C. wedi cadarnhau bod y golau wedi'i ail-osod gyda golau LED newydd ym mis Rhagfyr 2017 a dyma fydd yn digwydd wrth ailosod goleuadau yn y dyfodol wrth i'r defnydd o oleuadau oren ddod i ben.

8. LLWYBRAU TROED

Dim i'w drafod.

9. CYNLLUNIO:

Ni dderbyniwyd unrhyw geisiadau cynllunio.

Nodwyd y Penderfyniadau Apêl Cynllunio canlynol:

Caniatawyd apêl yn erbyn gwrthod caniatâd i adeiladu eiddo deulawr ar dir gyferbyn â Brodawl, Penybanc, Llandeilo (E/36077).

Gwrthodwyd yr apêl yn erbyn rhybudd gorfodi mewn perthynas â mynedfa i gerbydau i fynd ar yr A40 yn Glanrwyth Uchaf Llandeilo (E/ENF/08295).

10. DEDDFWRIAETH DIOGELU DATA NEWYDD

- i) Mae'r Clerc wedi gwirio gyda Un Llais Cymru nad oes gofyniad i gofrestru gyda Swyddfa'r Comisiynydd gwybodaeth ar hyn o bryd. Fodd bynnag efallai bydd darpariaethau'r Rheoliad Diogelu Data newydd a ddaw i rym ar y 25 mai o bosib yn gwneud hyn yn ofyniad.
- ii) Mae'r Clerc wedi cysylltu â Chyngor Cymuned Talylychau a Chyngor Tref Llandeilo mewn perthynas â rhannu penodi Swyddog Diogelu Data ac mae'r trafodaethau hyn ar fynd. Penodir y Swyddog Diogelu Data ar sail rhinweddau proffesiynol ac yn arbennig dealltwriaeth arbenigol o gyfraith ac arferion diogelu data a chyngor ar faterion megis Rhybuddion Preifatrwydd a'r sail gyfreithiol ar gyfer prosesu data personol.

11. CYLCHLYTHYR

- i) Trafodwyd y posibilrwydd o gyhoeddi cylchlythyr rheolaidd i'r gymuned. Teimlwyd ei fod yn syniad da mewn egwyddor ac y byddai'n gwella ymwybyddiaeth a chysylltiadau oddi fewn i'r gymuned. Penderfynwyd y dylid ymgynghori gyda Chyngor Tref Llandeilo o ran yr adborth a dderbyniwyd ganddynt wrth lansio eu cylchlythyr hwy ac edrych arno unwaith eto yng ngoleuni'r ymateb hynny.

12. CYFRIFON I'W TALU

- | | |
|---|--------|
| i) Ystafell Ddarllen Manordeilo, Llogi'r Neuadd Ionawr, Chwefror, Mawrth 2018, Siec Rhif 1258 | £45.50 |
| ii) Syrfêwr JED Cyf, Gwasanaethau Cyfieithu, Siec Rhif 1259 | 339.31 |
| iii) Mrs Jane Davies, Cyflog y Clerc Ebrill 2018, Siec Rhif 1260 | 410.00 |
| iv) Sioe Amaethyddol a Garddwriaethol Llandeilo, Rhodd, Siec Rhif 1261 | 50.00 |
| v) Miss M. Harris, rhodd tuag at gostau Ysgol Haf 'Youth Musical Theatre UK', Siec Rhif 1262 | 50.00 |

CYFANSWM £894.81

- | | |
|---|--------|
| i) H.L. a A.W Gwynne, Rhent Chwe Mis Ardal Chwarae Caledfwlch | £50.00 |
|---|--------|

13. UNRHYW FATER ARALL

- i) Dywedodd y Cyng. J. Davies y dylai'r biniau sbwriel a ofynnwyd amdanynt ar gyfer Cwmifor (2) a Salem (1) fod bellach yn eu lle ac wedi'u gosod gan C.S.C. Adroddodd y Cyng. K. Davies broblem mewn perthynas â baw cŵn ar y ffordd ym Manordeilo yn arwain o'r A40 i lawr tuag at Dŷ Gorsaf Glanrhyd ac i'r afon. Mae hwn yn lle poblogaidd i berchnogion cŵn gerdded eu cŵn ac mae'r sefyllfa wedi gwaethygu'n sylweddol yn ddiweddar. Dywedodd y Cyng. J. Davies ei fod wedi trefnu gyda C.S.C. i osod bin ar y lôn. Cyng. J. Davies
- ii) Adroddwyd am dwll dwfn ger Capel Isaac ar waelod rhiw Glanrafon; Clerc i anfon hyn ymlaen i'r Adran Briffyrdd. Clerc
- iii) Derbyniwyd cais gan Gapel y Bedyddwyr Cwmifor mewn perthynas â chefnogaeth ar gyfer ceisiadau am nawdd y byddant yn eu cyflwyno er mwyn gwneud gwaith atgyweirio i'r capel. Cytunwyd y dylai'r Clerc ysgrifennu llythyr o gefnogaeth ar ran y Cyngor. Clerc
- iv) Dywedodd y Clerc bod Ad-daliad TAW wedi'i gyflwyno i HMRC am £878.99.

Gan nad oedd unrhyw fusnes arall, diolchodd y Cadeirydd i aelodau am fynychu a daeth y cyfarfod i ben am 9.35pm.

.....9 Mai 2018
CADEIRYDD